

# CONCURSO “A auga nun minuto” de Emalcsa, con motivo do Día Mundial da Auga

## 1. OBXECTO

Emalcsa promove o concurso de vídeo “A Auga nun minuto” con motivo do Día Mundial da Auga 2022 co que quere poñer en valor a importancia das augas subterráneas, coincidindo co lema e filosofía marcado, este ano, polas Nacións Unidas.

A intención da campaña deste ano é aproveitar as redes sociais para crear unha corrente de opinión e debate público sobre o valor que as persoas outorgan a auga subterránea e, así, destacar todos o seus usos e a necesaria implicación social para facelos sostibles.

Para iso, Emalcsa propón a toda a cidadanía, aos colexios, entidades socias, medioambientais, etc. a elaboración de vídeos breves nos que amosen mensaxes visuais sobre o lema de este ano: “**Auga subterránea: Facer visible o invisible**”.

Este concurso servirá para seleccionar os gañadores de acordo cas seguintes bases.

## 2. BASES

A. O concurso conta con dúas categorías principais:

**Categoría 1: Menores de 18 anos.** Poderán participar centros escolares ou entidades de todo tipo interesadas da comarca da Coruña.

**Categoría 2: Maiores de 18 anos.** Poderá participar calquera persoa ou grupos de persoas interesadas da comarca da Coruña.

B. En concreto as persoas/grupo de persoas e as entidades deberán pertencer a algún dos seguintes concellos: **A Coruña, Arteixo, Cambre, Culleredo, Oleiros, Sada, Bergondo e Carral.**

C. Os vídeos estarán relacionados coa “**Auga subterránea: Facer visible o invisible**”. O obxecto é demostrar a súa importancia e reivindicar unha xestión adecuada e eficaz.

D. Rexeitaranse os contidos que poidan considerarse ofensivos, obscenos, inapropiados, racistas, vulgares, xenófobos, sexistas e/ou violentos, así como aqueles que atenten contra a dignidade e/o decoro, e os que poidan ferir sensibilidades, ser contrarios á lei, á moral ou á orde pública; que sexan contrarios aos dereitos de terceiros sen o seu consentimento; que sexan contrarios ao honor e/ou á imaxe das persoas físicas ou xurídicas, que faciliten información de carácter persoal (propia ou de terceiros); que impliquen realizar unha actividade comercial, compra e venda de produtos e/ou servizos así como a súa publicidade, que non teña relación co concurso, quedando automaticamente descualificado se fóra de concurso aqueles vídeos que non se axusten a algún perfil dos descritos. A organización resérvase o dereito de vetar algún vídeo en caso de que considere que non se axusta ás especificacións anteriormente descritas.

- E. **Os vídeos deberán ser horizontais e dun máximo de 1 minuto** e terán que ser enviados en **formato MP4**.
- F. Poderase enviar un vídeo por persoa/grupo de persoas, por aula, ou por institución, de ser o caso. Os vídeos deberán ser enviados como arquivo axunto dun correo electrónico, ou ben por WeTransfer, ao seguinte enderezo de correo electrónico: **concurso@emalcsa.es**
- G. Os contidos do email deberán ser:
- a. Asunto: Concurso “A auga nun minuto”
  - b. No correo electrónico terá que figurar o nome da persoa/representante do grupo de persoas ou da entidade participante (concretar a aula/grupo de ser o caso), dirección postal e un teléfono de contacto, así coma o título indicativo do vídeo presentado.
  - c. O nome do arquivo de vídeo deberá incluír o nome da entidade participante/nome da persoa/nome do grupo de persoas, para facilitar a súa identificación.
- H. O prazo de envío abrirase o **2 de febreiro de 2022** e rematará o **14 de marzo de 2022** ás 23:59 horas. En todo caso, o Organizador resérvase o dereito a modificar, cancelar e/ou suspender o concurso cando se produzan causas alleas á súa vontade. En caso de producirse unha modificación, cancelación ou suspensión do Concurso, comunicarse a través do mesmo medio polo que tivera sido publicitado.
- I. A participación neste concurso suporá unha declaración expresa por parte das persoas participantes de que posúen os dereitos de autor sobre o vídeo presentado ao concurso e dispoñen, ademais, da autorización e o permiso das persoas que poidan aparecer de forma recoñecible nas imaxes, recaendo sobre elas a responsabilidade derivada do dereito á intimidade e á propia imaxe. En caso de aparecer menores, este consentimento tería que ter sido realizado aos seus titores legais.
- J. Que o vídeo é creación súa e que non se apropiou del nin o copiou e que non deriva, en parte ou na súa totalidade, doutro traballo gráfico.
- K. Que non está violando ou infrinxindo ningún dereito de autor, marca rexistrada, privacidade ou dereito publicitario ou calquera outro dereito persoal, de propiedade ou de propiedade intelectual de calquera persoa ou entidade.
- L. A participación neste concurso suporá unha declaración expresa por parte das persoas participantes da cesión gratuíta a Emalcsa dos dereitos de reprodución, distribución e comunicación pública sobre o vídeos presentados, sen máis limitación de medios, tempo ou espazo xeográfico que as legalmente establecidas.
- M. Os vídeos recibidos serán publicados nas redes sociais da compañía, sempre con mención específica a autoría de cada un deles.

- N. A participación neste concurso supón a aceptación dos termos da convocatoria expostos nas bases dos mesmos. No caso de que algún dos centros gañadores comunique que non acepta estas bases, quedará sen dereito a premio.
- O. No suposto de renuncia, o premio pasaría á primeira persoa clasificada da “lista de reserva” e, en caso de que esta renunciase, á segunda clasificada da mesma lista, e así sucesivamente.

### 3. XURADO

- A. O xurado comporase de tres membros: Director de I+D+i de Emalcsa, O Director da Cátedra EMALCSA-UDC e o Xerente da Reserva da Biosfera “Mariñas Coruñesas e Terras do Mandeo”, como entidade colaboradora.
- B. O Director de I+D+i de Emalcsa terá voto de calidade naqueles supostos que se consideren necesarios.
- C. O fallo do xurado será inapelable.
- D. O xurado seleccionará 3 vídeos gañadores por cada unha das categorías (menores de 18 anos e maiores de 18 anos). Existen tres rangos de premios por cada categoría: primeiro, segundo e terceiro posto. Ademais, seleccionará, por orde de puntuación, outros 3 traballos, que se integrarán na denominada “lista de reserva”.
- E. O xurado poderá declarar desertos un ou varios premios.
- F. Os participantes gañadores por cada categoría (Persoas ou grupos de persoas, centros educativos ou entidades e no seu caso as aulas ou grupos específicos caso de ter presentado mais dunha proposta) serán informados do fallo vía correo electrónico.

### 4. PREMIOS

- A. Os gañadores recibirán coma premio:

#### **Categoría 1 : Menores de 18 anos.**

1º Premio. Diploma e agasallo para todos os membros do grupo gañador, así coma un premio en metálico de 500 € para o centro ou entidade de adscrición.

2º Premio. Diploma e agasallo para todos os membros do grupo gañador, así coma un premio en metálico de 250 € para o centro ou entidade de adscrición.

3º Premio. Diploma e agasallo para todos os membros do grupo gañador, así coma un premio en metálico de 100 € para o centro ou entidade de adscrición.

## **Categoría 2: Maiores de 18 anos:**

1º Premio. Un premio en metálico de 500 € para a persoa/grupo de persoas ou entidade.

2º Premio. Un premio en metálico de 250 € para a persoa/grupo de persoas ou entidade.

3º Premio. Un premio en metálico de 100 € para a persoa/grupo de persoas ou entidade.

- B. Os 3 premios serán entregados de acordo cun protocolo específico que será comunicado no seu momento. En todo caso, o Organizador contactará co gañador para comunicarlle a forma de entrega.
- C. A persoa/grupos de persoas/centro e/ou entidade gañadora aproba acceder a que se lle tomen fotografías de promoción, de ser o caso, durante o acto de entrega, así como a que o Organizador empregue, con fins publicitarios e de promoción, o seu nome e imaxe, en calquera medio e material publicitario. Así, o centro e/ou entidade gañadora autoriza, a participar nesta acción, a Emalcsa a reproducir, utilizar e difundir o seu nome e imaxe en calquera actividade publicitaria e/ou de promoción que estea relacionada con esta, mesmo durante o disfrute do premio, sen que ditas actividades lles confiran dereito de remuneración ou beneficio algún con excepción da entrega do premio gañado conforme a estas bases.